

TILMANNVS HESHVIUS THEOLOGVS.



Tilmannus in Sindermosen Iuliacensis ditio-
nis oppido natus est. Is post percepta prima
literarum fundamenta sese hinc inde ad Academias
contulit, & magnam eruditionem ob præ-
claram indolem sibi comparauit. Inde sacris lite-
ris incubuit, & suis uigilijs effecit, ut sacræ Theo-
logiæ Doctor omnium applausu crearetur. Po-
stea quoque Heydelbergæ sacrarum literarum
professor constitutus fuit. Cum autem ipse in
Eucharistiæ negocio Luthero consentiret, suam
sententiam publicè declarauit, atque contra Cal-
uinum & Bezan librum ædidit. Verùm quum
id quibusdam eruditione & authoritate magnis
uiris Heydelbergæ displiceret, neque Tilmannus à proposito cederet, Hey-
delberga dimissus fuit. Itaque ipse aliò profectus, id quod sensit copiosius
exposuit, atq; hoc modo apud omnes doctos sibi magnum nomen compara-
uit. Anonym.